



JU KANTONALNA BOLNICA ZENICA

Adresa: Crkvice 67, 72000 Zenica, Bosna i Hercegovina Direktor: 032 226 575
Centrala: 032 405-133 fax: 032 226 576 E-mail: kbzenica@kbze.ba

Identifikacijski broj: 4218136720007

Registrovano kod Kantonalnog suda u Zenici Rj.br: U/I 486/98 od 09.04.1999.

Broj: 22-02-127 /23
Zenica, 05.01.2023. godine.

Na osnovu člana 69. i 70. Zakona o javnim nabavkama ("Službeni glasnik BiH" broj 39/14), člana 21. Pravilnika o javnim nabavkama JU Kantonalne bolnice Zenica (broj: 20/1-1-17555 od 24.08.2016. godine), direktor Kantonalne bolnice Zenica, donosi

ODLUKU

I

Vrši se odabir ponude ponuđača „EMEDING“ D.O.O. SARAJEVO, kao najpovoljnije i jedine ponude za javnu nabavku usluge - Servisiranje i validacija mikrobiološkog kabineta, proizvođača KLIMAOPREMA model KTB-VS-1 (2 komada) za potrebe JU Kantonalna bolnica Zenica, sa najpovoljnijom ukupno ponuđenom cijenom u iznosu od 49.500,00 KM, bez PDV-a, i dodjeljuje okvirni sporazum na period od 3 /tri/ godine navedenom ponuđaču.

Sa odabranim ponuđačem zaključit će se okvirni sporazum na period od 3 /tri/ godine, na ukupnu datu vrijednost ponude u visini od **49.500,00 KM bez PDV-a**, a nakon pravosnažnosti ove Odluke.

II

Javna nabavka je provedena putem konkurentskog zahtjeva, uz namjeru provođenja e-aukcije, tender broj: 62-N-21/22.

III

Ova odluka stupa na snagu danom donošenja.

Obrazloženje

U skladu sa članom 5. i 8. Pravilnika o uspostavljanju i radu Komisije za nabavke (Službeni glasnik BiH broj 103/14), Komisija za javnu nabavku usluga: Servisiranje i validacija mikrobiološkog kabineta, proizvođača KLIMAOPREMA model KTB-VS-1 (2 komada) JU Kantonalna bolnica Zenica (konkurentski zahtjev, broj: 62-N-21/22) imenovana Odlukom direktora broj: 01-02-893-1/22 od 02.12.2022.godine, podnosi direktoru JU Kantonalna bolnica Zenica izvještaj o provedenom postupku javne nabavke usluga: Servisiranje i validacija mikrobiološkog kabineta, proizvođača KLIMAOPREMA model KTB-VS-1 (2 komada) JU Kantonalna bolnica Zenica.

Odlukom direktora, broj: 01-02-893/22 od 02.12.2022. godine pokrenut je postupak za javnu nabavku usluga: Servisiranje i validacija mikrobiološkog kabineta, proizvođača KLIMAOPREMA model KTB-VS-1 (2 komada) JU Kantonalna bolnica Zenica procijenjene vrijednosti 49.500,00 KM bez PDV-a, konkurentskim postupkom, a u skladu sa članom 87. i 88. Zakona o javnim nabavkama.

Komisija je utvrdila sljedeće:

Na javnom otvaranju ponuda dana 22.12.2022. godine sa početkom u 10:00 sati konstatovano je:

- da je na portalu „E-nabavke“ dana 09.12.2022. godine, objavljeno je obavještenje o nabavci broj 669-7-2-434-3-430/22 i TD sa namjerom provođenja e-aukcije, sa rokom prijema ponuda i javnim otvaranjem ponuda zakazanim za dan 22.12.2022. godine u 10:00 sati, te ispravka obavještenja o nabavci broj 669-7-2-

434-3-433/22 od 13.12.2022. godine i korigovana TD sa namjerom provođenja e-aukcije, sa rokom prijema ponuda i javnim otvaranjem ponuda zakazanim za dan 22.12.2022. godine u 10:00 sati,

- da je planirano zaključivanje okvirnog sporazuma o javnoj nabavci usluga sa jednim ponuđačem na period od 3 (tri) godine,
- da je na portalu „E-nabavke“ bilo postavljenih upita vezano za predmetnu nabavku i to:
Dana 12.12.2022. godine, potencijalni ponuđač se obratio Komisiji za javnu nabavku putem portala „E-nabavke“ sa sljedećim upitom:

Poštovani,

Molimo Vas za pojašnjenje za: 1. U ovoj predmetnoj nabavci riječ je o javnoj nabavci usluga – servisiranje i validacija mikrobiološkog kabineta, proizvođača KLIMAOPREMA, model KTB-VS-1 (2 komada) za potrebe JU Kantonalna bolnica Zenica na period od 3 (tri) godine. Procijenjena vrijednost nabavke bez PDV-a iznosi: 16.500,00 KM bez PDV-a, na dvogodišnjem nivou. Predmetna nabavka nije podijeljena na LOT-ove. U prvom pasusu ste naveli period od 3 (tri) godine, a u drugom na dvogodišnjem nivou. Molimo Vas da ovo ispravite. 2. Molimo Vas da navedete tačnu procijenjenu vrijednost nabavke na godišnjem nivou za obje komore, ako se zna da je procijenjena vrijednost nabavke iz 2020 godine (Evidencijski broj nabavke: konkurentski tender: 62-N-21/20) bez PDV-a iznosio: 17.000,00 KM bez PDV-a, na dvogodišnjem nivou, za jednu komoru na odjelu Onkologije i Radioterapije. S poštovanjem,

Komisija za javnu nabavku je dana 12.10.2022. godine odgovorila:

Poštovani, Ugovorni organ će izvršiti ispravku u procjeni. Lp

- **da je na portalu „E-nabavke“ dana 13.12.2022. godine, objavljena obavijest**

U skladu sa tačkom 22.TD, ugovorni organ vrši ispravku TD, u predmetnom postupku, i to u tački 1.4, zbog tehničke greške. Konačna TD, biće postavljena na portalu e-nabavke, i dostupna svim potencijalnim ponuđačima. Obzirom da je rok za predaju ponuda zakazan za dan 22.12.2022.g., ugovorni organ neće izvršiti dodatno produženje rokova. S poštovanjem.

- da je sa portala „E-nabavke“ tendersku dokumentaciju objavljenu 09.12.2022. godine, preuzelo ukupno 6 (šest) potencijalnih ponuđača, a ispravku tenderske dokumentacije od 13.12.2022. godine preuzelo je 5 (pet) potencijalnih ponuđača
- da je javno otvaranje ponuda bilo dana 22.12.2022.godine u 10,00 sati
- da na javnom otvaranju ponuda nisu prisustvovali predstavnici ponuđača,
- da je na tender broj 62-N-21/22, u predviđenom roku pristiglo ukupno 1 (jedna) ponude i to ponuda ponuđača:

1. „EMEDING“ D.O.O. SARAJEVO

- da je ponuđač preuzeo konačnu TD sa portala „E-nabavke“ objavljenu dana 13.12.2022. godine

Prikaz prihvatljivosti ponuda prema obliku, sadržaju i potpunosti, iz zapisnika o otvaranju ponuda:

Redni broj omotnice ponude	Naziv ponuđača	Cijena ponude u KM, bez PDV-a
1.	„EMEDING“ D.O.O. SARAJEVO	Ukupna cijena ponude (bez PDV-a): 49.500,00 KM

Predsjednik komisije je izuzeo kopije ponuda o kojima će se blagovremeno izjasniti

- da je sačinjen zapisnik sa otvaranja ponuda koji je dostavljen ponuđačima i članovima komisije putem mail-a

Na zatvorenom sastanku dana 28.12.2022. godine konstatovano je sljedeće:

- da je u skladu sa članom 88. stav (1) ZJN BiH, dana 05.12.2022. godine, upućen zahtjev za preuzimanje TD na 3 (tri) adrese potencijalnih ponuđača, putem e-maila i to: „EMEDING“ d.o.o. SARAJEVO, „EURO-LAB“ d.o.o. BRČKO, i „BIOMEDICA LAB“ d.o.o. SARAJEVO
- da su svi uslovi i traženi dokazi u tenderskoj dokumentaciji koncipirani u skladu sa Zakonom o javnim nabavkama i nisu mogli utjecati na broj dostavljenih i prihvatljivih ponuda, odnosno poštovani su principi jednakog tretmana i nediskriminacije dobavljača,

Za ispunjavanje svih uslova predviđenih tenderskom dokumentacijom traženo je dostavljanje sljedećih dokumenata, obrazaca i izjava:

USLOVI ZA KVALIFIKACIJU

- a) u krivičnom postupku nije osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovan;
- b) nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovan;
- c) je ispunio obaveze u vezi sa plaćanjem penzijskog i invalidskog osiguranja i zdravstvenog osiguranja, u skladu sa važećim propisima u Bosni i Hercegovini ili propisima zemlje u kojoj je registrovan;
- d) je ispunio obaveze u vezi sa plaćanjem direktnih i indirektnih poreza, u skladu sa važećim propisima u Bosni i Hercegovini ili zemlji u kojoj je registrovan.

U svrhu dokazivanja uslova iz tački a) do d) ponuđač je dužan dostaviti popunjenu i ovjerenu kod nadležnog organa (općinskog organa uprave ili notara) izjavu koja je sastavni dio tenderske dokumentacije. Izjava ne smije biti starija od 15 dana od dana predaje ponude. Ukoliko ponudu dostavlja grupa ponuđača, svaki član grupe je dužan dostaviti ovjerenu izjavu.

Ponuđač koji bude odabran kao najbolji u ovom postupku javne nabavke je dužan dostaviti slijedeće dokaze (original ili ovjerenu kopiju) u svrhu dokazivanja činjenica potvrđenih u izjavi i to:

- a) izvod iz kaznene evidencije nadležnog suda i Suda BiH da u krivičnom postupku nije osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovan;
- b) izvod ili potvrda iz evidencije u kojim se vode činjenice da nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovan;
- c) potvrde nadležne poreske uprave ili ukoliko se radi o ponuđaču koji nije registrovan u Bosni i Hercegovini, potvrda ili izvod iz evidencije na osnovu koje se može utvrditi da uredno izmiruje obaveze za penzijsko i invalidsko osiguranje i zdravstveno osiguranje.
- d) potvrde nadležne/ih institucija o uredno izmirenim obavezama po osnovu direktnih i indirektnih poreza.

U slučaju da ponuđači imaju zaključen sporazum o reprogramu obaveza, odnosno odgođenom plaćanju, po osnovu doprinosa za penzijsko-invalidsko osiguranje, zdravstveno osiguranje, direktne i indirektno poreze, dužni su dostaviti potvrdu nadležne institucije/a da ponuđač u predviđenoj dinamici izmiruje svoje reprogramirane obaveze. Ukoliko je ponuđač zaključio sporazum o reprogramu obaveza ili odgođenom plaćanju obaveza i izvršio samo jednu uplatu obaveza, neposredno prije dostave ponude, ne smatra se da u predviđenoj dinamici izvršavaju svoje obaveze i taj ponuđač neće biti kvalifikovan u ovom postupku javne nabavke.

Dokazi koje je dužan dostaviti izabrani ponuđač moraju sadržavati potvrdu da je u momentu predaje ponude ispunjavao uslove koji se traže tenderskom dokumentacijom. U protivnom će se smatrati da je dao lažnu izjavu. Dokaze o ispunjavanju uslova je dužan dostaviti u roku od 7 dana od dana zaprimanja obavještenja o rezultatima ovog postupka javne nabavke. Dokazi koje dostavlja izabrani ponuđač ne mogu biti stariji od tri mjeseca, računajući od momenta predaje ponude. Naime, izabrani ponuđač mora ispunjavati sve uslove u momentu predaje ponude, u protivnom će se smatrati da je dao lažnu izjavu iz člana 45. ZJN BiH.

Ukoliko ponudu dostavlja grupa ponuđača, svaki član grupe mora ispunjavati uslove u pogledu lične sposobnosti i dokazi se dostavljaju za svakog člana grupe.

Ugovorni organ može diskvalifikovati ponuđača iz ovog postupka javne nabavke ukoliko može dokazati da je ponuđač bio kriv za ozbiljan profesionalni prekršaj u posljednje tri godine, ali samo ukoliko može dokazati na bilo koji način, posebno značajni i/ili nedostaci koji se ponavljaju u izvršavanju bitnih zahtjeva ugovora koji su doveli do njegovog prijevremenog raskida (npr. dokaz o prijevremenom raskidu ranijeg ugovora zbog neispunjavanja obaveze u skladu sa Zakonom o obligacionim odnosima), nastanka štete (pravosnažna presuda nadležnog suda za štetu koju je pretrpio ugovorni organ), ili drugih sličnih posljedica koje su rezultat namjere ili nemara tog privrednog subjekta (dokazi u skladu sa postojećim propisima u Bosni i Hercegovini).

Za ponuđače čije je sjedište izvan Bosne i Hercegovine ne traži se posebna nadovjera.

Ponudjač je dužan u svrhu dokazivanja sposobnosti obavljanja profesionalne djelatnosti kandidata (član 46. ZJN BiH) dokazati da je:

- a.) registrovan u odgovarajućim profesionalnim ili drugim registrima u zemlji u kojoj su osnovali firmu za obavljanje djelatnosti koja je predmet ove nabavke u vrijeme predaje ponude,
- b.) upisan u registar veletrgovaca prometa lijekova i medicinskih sredstava kod Agencije za lijekove i medicinska sredstva BiH.

U svhu dokazivanja uslova iz tačke a) ponudjač je dužan dostaviti:

- aktuelni izvod iz sudskog registra ili izjavu ili potvrdu nadležnog organa iz koje se vidi da je ponudjač registrovan za obavljanje djelatnosti koja je predmet ove nabavke u vrijeme predaje ponude.
- aktuelni/važeći dokument/rješenje o upisu u registar veletrgovaca medicinskih sredstava koji je izdala Agencija za lijekove i medicinska sredstva BiH

Dokaz se dostavlja kao neovjerena kopije originala.

Ponudač koji bude odabran kao najbolji u ovom postupku javne nabavke je dužan dostaviti originale ili ovjerene kopije ranije navedenih dokumenata u roku od 5 (pet) dana od dana zaprimanja obavještenja o rezultatima ovog postupka javne nabavke. Ukoliko ponudu dostavlja grupa ponuđača, svi članovi grupe zajedno moraju biti registrovani za obavljanje djelatnosti koja je predmet nabavke ili za dio predmeta nabavke.

Ekonomska i finansijska sposobnost-član 47. ZJN BiH

- a) glavni transakcijski bankarski račun ponuđača aktivan i solventan

U svrhu dokazivanja uslova ponuđač je dužan dostaviti:

- Izjavu ovjerenu od strane ponuđača, koja je dostavlja u formi iz Priloga broj 4. TD, koja ne smije biti starija od 15 dana od dana predaje ponude i dostavljanje:
- Potvrda banke ponuđača da ponuđač ima otvoren i solventan račun kod iste i da je ujedno taj račun glavni, dostavlja se kao neovjerena kopija originala, s tim da datum izdavanja originala ne može biti stariji od 3 /tri/ mjeseca računajući od dana dostavljanja ponude.

Ponuđač koji bude odabran kao najbolji u ovom postupku javne nabavke je dužan dostaviti originale ili ovjerene kopije ranije navedenih dokumenata u roku od 5 (pet) dana od dana zaprimanja obavještenja o rezultatima ovog postupka javne nabavke. Ukoliko ponudu dostavlja grupa ponuđača, svaki član grupe je dužan dostaviti ovjerenu izjavu.

Izjave ponuđača o uslovima i načinu pružanja usluga:

Ponuđač je dužan kao sastavni dio ponude dostaviti sljedeće izjave ovjere i potpisane od strane ovlaštene osobe:

- a) Izjava ponuđača o roku izvršenja usluge u skladu sa tačkom 2.4. TD,
- b) Izjava ponuđača o prihvatanju **bezavansnog** plaćanja u roku **od 60 /šezdeset/** dana u skladu sa tačkom 20. TD,
- c) Izjava ponuđača da prihvata elektronsku korespondenciju kod dostavljanja narudžbenica,
- d) Izjava dobavljača o opciji ponude u trajanju **od 120 /stotinudvadeset/ dana u skladu sa tačkom 10.TD,**
- e) Izjava ponuđača o **mjestu isporuke** – JU Kantonalna bolnica Zenica u skladu sa tačkom 2.3. TD
- f) Izjava ponuđača da je garancija na predmetnu uslugu u trajanju od 1 (jedne) godine, odnosno da ima obezbijeden besplatan servis u toku trajanja navedene garancije,
- g) Izjava ponuđača o nepromjenjivosti cijena za vrijeme trajanja okvirnog sporazuma,
- h) Izjava ponuđača daje ovlašteni serviser opreme u BiH (dostaviti važeće certificate za servisere).

Izjava/Izjave se dostavljaju kao original dokument, ovjeren potpisom i pečatom ponuđača, i ne smiju biti starije od 15 /petnaest/ dana od dana predaje ponude.

PONUĐA MORA SADRŽAVATI:

- a) Osnovne podatke o ponuđaču na memorandumu ponuđača (adresa, sjedište, službeni e-mail ponuđača za komunikaciju i dostavu odluka, direktor, ID broj, naziv banke kod koje ima otvoren glavni račun sa brojem istog i sl.)
- b) Obrazac za ponudu–**Prilog broj 1 TD**;
- c) Obrazac za cijenu ponude–**Prilog broj 2 TD**;
- d) Izjava o ispunjenosti uslova iz člana 45. stav (1) tačaka od a) do d) Zakona o javnim nabavkama, ovjerena kod nadležnog organa (općinskog organa uprave, suda ili notara) - **Prilog broj 3 TD**
- e) Dokumenta kojima ponuđač dokazuje ispunjenost uslova iz člana 46. ZJN BiH u skladu sa tačkom 3.2. TD;
- f) Izjava i obične kopije dokumenata kojima dokazuje da ispunjava uslove iz člana 47. st. (1) tačaka od a) do d) i (4) Zakona o javnim nabavkama-**Prilog broj 4 TD**. u skladu sa tačkom 3.3. TD;
- g) **Izjave ponuđača u skladu sa tačkom 3.4. TD**
- h) Pismena izjava ponuđača iz člana 52. Zakona o javnim nabavkama, ovjerena kod nadležnog organa (općinskog organa uprave, suda ili notara)-**Prilog broj 5 TD**,
- i) Izjava dobavljača o prihvatanju garancije za dobro izvršenje okvirnog sporazuma u visini od 10% od vrijednosti okvirnog sporazuma-**Prilog broj 6 TD**;
- j) Potpisan, ovjeren i popunjen nacrt okvirnog sporazuma-**Prilog broj 7 TD**.
- k) Izjava ponuđača o prihvatanju općih i posebnih uslova tenderske dokumentacije-**Prilog 8 TD**,
- l) Obrazac povjerljive informacije, **Prilog broj 9**,
- m) Ukoliko ponudu, umjesto lica upisanog u sudski registar, potpisuje ovlašteno lice, potrebno je uz ponudu, dostaviti i original ili ovjerenu fotokopiju punomoći lica ovlaštenog za potpisivanje ponude.

KOMISIJA KOJA PROVODI PREDMETNU JAVNU NABAVKU USLUGA-SERVISIRANJE I VALIDACIJA MIKROBIOLOŠKOG KABINETA, PROIZVOĐAČA KLIMAOPREMA MODEL KTB-VS-1 (2 KOMADA) ZA POTREBE JAVNE USTANOVE KANTONALNA BOLNICA ZENICA KONSTATUJE DA JE PONUĐAČ „EMEDING“ D.O.O. SARAJEVO DOSTAVIO SLJEDEĆU DOKUMENTACIJU:

- Naslovna strana, ponuda na memorandumu ponuđača, sa osnovnim podacima o ponuđaču, potpisana i ovjerena od strane ovlaštene osobe;
- Sadržaj dostavljenih dokumenata, izjava i obrazaca sa nazivima istih, potpisan i ovjeren od strane ovlaštene osobe ponuđača;
- Podaci o ponuđaču na memorandumu ponuđača, potpisano i ovjereno od strane ovlaštene osobe ponuđača;
- Obrazac za dostavljanje ponudu, uredno popunjen, potpisan i ovjeren pečatom ponuđača - **Prilog 1**.
- Obrazac za cijenu ponude, uredno popunjen potpisan i ovjeren pečatom ponuđača-**Prilog 2**.
- Izjava o ispunjenosti uslova iz čl. 45. Stav (1) tačka od a) do d) ZJN BiH, **ovjerena** dana 13.12.2022. god. kod nadležnog organa **Prilog 3**.
- Aktuelni izvod iz sudskog registra Općinskog suda u Sarajevu, broj: 065-0-RegZ-22-018720 od 02.12.2022. godine – kopija, **ovjerena** dana 13.12.2022. god. kod nadležnog organa;
- Rješenje Agencije za lijekove i medicinska sredstva BiH, broj: 10-07.12-6-10138-1/19 od 27.01.2020. godine o upisu ponuđača u registar veleprometnika medicinskih sredstava, kopija potpisana i ovjerena od strane ovlaštene osobe ponuđača i **ovjerena** od strane nadležnog organa dana 13.12.2022. godine
- Izjava o ispunjenosti uslova iz člana 47. Stav (1) tačka od a) do d) i (4) ZJN BiH, od 13.10.2022. god., potpisan i ovjeren od strane ovlaštene osobe ponuđača - **Prilog 4**.
- Potvrda MF banke Banja Luka broj: IR056-006 4/22 od 03.11.2022. god., o likvidnost transakcijskih računa, **kopija**;
- Izjave ponuđača u skladu sa tačkom:
 - o roku izvršenja usluge,
 - o prihvatanju bezavansnog plaćanja
 - o prihvatanju elektronske dostave narudžbenica,
 - o opciji važenja ponude – 120 dana
 - o mjestu isporuke
 - o trajanju garancije na predmetnu uslugu – 1 godina
 - o nepromjenjivosti cijena za vrijeme trajanja okvirnog sporazuma,
 - izjava da je je ponuđač ovlašteni serviser opreme u BiH, potpisano i ovjereno od strane ovlaštene osobe ponuđača–Potvrda o autorizaciji i potvrda o ovlaštenim serviserima od proizvođača opreme (str. 27-31)
- Potvrda o autorizaciji izdata od strane Klimaoprema Samobor, Hrvatska, **kopija**, potpisana i ovjerena od strane ovlaštene osobe ponuđača;
- Potvrda o ovlaštenim serviserima izdata od strane Klimaoprema Samobor, Hrvatska, **kopija**, potpisana i ovjerena od strane ovlaštene osobe ponuđača;

- Izjava o ispunjenosti uslova iz čl. 52 ZJN, , potpisana i ovjerena od strane ovlaštene osobe, **ovjerena** 13.12.2022. godine kod nadležnog organa - **Prilog 5**
- Izjava o dostavi garancije za uredno izvršenje okvirnog sporazuma od 15.02.2022. g.- **Prilog 6**, potpisana i ovjerena od strane ovlaštene osobe;
- Nacrt Okvirnog sporazuma o nabavci usluga, **Prilog broj 7**, potpisan, popunjen i ovjeren od strane ovlaštene osobe,
- Obrazac Izjave o prihvatanju općih i posebnih uslova TD od 15.12.2022., god., popunjen, ovjeren i potpisan od strane ovlaštene osobe – **Prilog 8**,
- Obrazac za povjerljive informacije, **Prilog broj 9**, popunjen, potpisan i ovjeren od strane ovlaštene osobe

Analizom ponude ponuđača „EMEDING“ D.O.O. SARAJEVO, Komisija koja provodi predmetnu javnu nabavku usluga-servisiranje i validacija mikrobiološkog kabineta, proizvođača KLIMAOPREMA model KTB-VS-1 (2 komada) JU Kantonalna bolnica Zenica, utvrdila je da je dostavljena ponuda uvezana i numerisana na način propisan TD u skladu sa tačkom 4.2. TD, da je imenovani dostavio tražene dokumente, obrasce, izjave, ovjerene od strane nadležnog organa i ovlaštene osobe, prema uputama i uvjetima postavljenim u tački 3. TD, a iz svega se može utvrditi da ponuda ponuđača „EMEDING“ D.O.O. SARAJEVO u ovoj predmetnoj javnoj nabavci, ispunjava uslove u pogledu:

- lične sposobnosti ponuđača iz člana 45. ZJN BiH, u skladu sa tačkom 3.1. TD,
- profesionalne djelatnosti ponuđača iz člana 46. ZJN BiH, u skladu sa tačkom 3.2. TD,
- ekonomsko-finansijske sposobnosti ponuđača iz član 47. ZJN BiH, u skladu sa tačkom 3.3. TD,
- te dostavio sve tražene izjave ponuđača u skladu sa tačkom 3.4. TD, koje čine sastavni dio ponude.

Komisija konstatuje da je ponuđač „EMEDING“ D.O.O. SARAJEVO, kao sastavni dio ponude dostavio u originalu ili uredno ovjerenu dokumentaciju i to: iz člana 46. ZJN BiH u skladu sa tačkom 3.2.TD, te u slučaju da navedeni ponuđač bude odabran Odlukom o izboru najpovoljnijeg ponuđača isti neće biti dužan dostaviti navedenu dokumentaciju u originalu ili ovjerenoj kopiji ponovo.

Komisija konstatuje da ponuđač „EMEDING“ D.O.O. SARAJEVO, kao sastavni dio ponude nije dostavio u originalu ili uredno ovjerenu dokumentaciju i to: iz člana 45. ZJN BiH u skladu sa tačkom 3.1. TD, iz člana 47. ZJN BiH u skladu sa tačkom 3.3.TD, te u slučaju da navedeni ponuđač bude odabran Odlukom o izboru najpovoljnijeg ponuđača isti će biti dužan dostaviti navedenu dokumentaciju u originalu ili ovjerenoj kopiji u roku od 7 (sedam) dana od dana zaprimanja obavještenja o rezultatima ovog postupka javne nabavke, u suprotnom smatraće se da je odustao od svoje ponude.

Komisija konstatuje da ponuda ponuđača „EMEDING“ D.O.O. SARAJEVO ispunjava sve zahtjeve u pogledu opisa predmeta nabavke i tehničkih specifikacija za pružanje usluga u skladu sa traženim TD.

Prema svemu gore navedenom ponuda ponuđača „EMEDING“ D.O.O. SARAJEVO u predmetu nabavke usluga-servisiranje i validacija mikrobiološkog kabineta, proizvođača KLIMAOPREMA model KTB-VS-1 (2 komada) JU Kantonalna bolnica Zenica (konkurentski, tender broj: 62-N-21/22) u cjelosti ispunjava uslove postavljene u TD i kao takva prihvatljiva je ugovornom organu u cjelosti.

Nakon toga prešlo se na ocjenu prihvatljivih ponuda u skladu sa utvrđenim kriterijima.

U tenderskoj dokumentaciji za nabavku usluga: Servisiranje i validacija mikrobiološkog kabineta, proizvođača KLIMAOPREMA model KTB-VS-1 (2 komada) JU Kantonalna bolnica Zenica, na period od 3 (tri) godine (tender broj: 62-N-21/22), JRJN oznaka predmeta nabavke: 50421000-2 - usluge popravke i održavanja medicinske opreme, procjenjena ukupna vrijednost nabavke iznosi 16.500,00 KM na godišnjem nivou, odnosno 49.500, 00 KM bez PDV-a na trogodišnjem nivou.

-Kriterij za dodjelu okvirnog sporazuma je najniža cijena tehnički zadovoljavajuće ponude.

Također, tenderskom dokumentacijom planirano je provođenje e-aukcije. Obzirom da je nakon provjere kvalificiranosti ponuđača utvrđeno da je pristigla samo 1 (jedna) kvalificirana prihvatljiva ponuda ponuđača „EMEDING“ D.O.O. SARAJEVO koja ispunjava sve zahtjeve iz TD, objektivnoo nisu se stekli uslovi za provođenje e-aukcije.

Komisija je izvršila vrednovanje jedine dostavljene kvalifikovane ponude kako slijedi:

RED. BR. PONUDE	PONUĐAČ	CIJENA u KM, bez PDV-a
1.	„EMEDING“ D.O.O. SARAJEVO	49.500,00 KM

Procijenjena vrijednost nabavke 49.500,00 KM, bez PDV-a.

Obzirom da je za predmetnu nabavku usluga: Servisiranje i validacija mikrobiološkog kabineta, proizvođača KLIMAOPREMA model KTB-VS-1 (2 komada) JU Kantonalna bolnica Zenica (konkurentski zahtjev, broj: 62-N-21/22), pristigla samo jedna kvalificirana i prihvatljiva ponuda, da zakazivanje i provođenje e-aukcije u tom slučaju se ne provodi iz objektivnih razloga, shodno utvrđenoj rang listi, Komisija jednoglasno daje preporuku direktoru JU Kantonalne bolnice Zenica da u postupku za nabavku usluga: Servisiranje i validacija mikrobiološkog kabineta, proizvođača KLIMAOPREMA model KTB-VS-1 (2 komada) JU Kantonalna bolnica Zenica (konkurentski zahtjev, broj: 62-N-21/22), izvrši odabir ponude i donese odluku o dodjeli okvirnog sporazuma na period od 3 (tri) godine na ukupnu vrijednost ponude u visini od 49.500,00 KM bez uračunatog PDV-a, ponuđaču „EMEDING“ D.O.O. SARAJEVO, kao jedinom prihvatljivom ponuđaču.

Na osnovu gore navedenog, donesena je odluka kao u dispozitivu.

POUKA O PRAVNOM LIJEKU:

Protiv ove odluke može se uložiti žalba
Kantonalnoj bolnici Zenica u roku od 5 (pet) dana
od dana prijema iste.



Anela J. Amić
[Signature]

